

雞澤縣志卷之十七

蕭山王錦林粵巖增輯

靜海牛思永

校訂

列女

詩首閔睢鵲巢應之夫夫婦婦王化基於此英邛廓
為變風之始而皆首柏舟一著莊姜貞操一表共姜
烈志蓋淫靡俗尚立節為難自劉向傳列女後世志
來因之雞故衛地二姜聞範宜有彤管流輝者夫心
堅匪石而志篤靡它所稱中帼完人足以風世而勵

俗詎非王化所闡耶志列女

明

王氏趙伯讓妻讓卒氏年二十三孝奉舅姑撫二孤成立
姪亨妻李氏年二十亦寡茹苦守節有以他適勸者以
死自誓俱年九十餘卒建雙節坊旌表

劉氏孟宗妻年十八夫亡家貧甚氏勤紡織操井臼以孝
養舅姑撫遺腹子成立建坊旌表

韓氏庠生郭濂妻平鄉歲貢韓杲女年十九適濂甫六月
濂卒氏茹苦孝事舅姑撫遺腹子娶婦生孫既而子復

不壽抱幼孫却郊自教之皆成立遊庠氏曉文字知禮
義閨範嚴肅雖兒稚見之不敢啼笑年八十九卒巡按
樊猷科姜繼曾表其門

張氏經歷張琴女適庠生王法年十八而寡奉舅姑盡孝
撫遺孤先民教養備至貢入太學年七十餘卒巡按樊
猷科姜繼曾表其門

梁氏庠生何澤妻澤卒氏年十九毀面素服不踰閭閻雖
鄰里戚屬罕見其面勤於女工舅姑安其孝養年八十
餘卒知縣于慧扁其門曰貞節

金氏陳三妻年二十二夫亡遺腹生子舅姑欲奪其志氏
聞縊於寢室家人驚覺救活同孀嫂沙氏孝養舅姑守
節以終建坊旌表

史氏王諒妻年十九歸諒數月而寡撫遺腹子紡績自給
殯葬舅姑皆能盡禮年八十有四巡按王應吉表其門

郭氏王相妻年二十四夫亡撫前室子守深如己出娶媳
韓氏年十七亦寡遺子世祿姑婦同撫之成立遊庠守
節終身縣尹以雙節旌之

聶氏王尚古妻年十九夫亡兄嫂欲嫁之氏不從詣夫墓

自縊於樹幾絕家人覺急趨救得免守節終身不變

弓氏吉仲和妻年二十三和卒守節至八十歲院道旌表

趙氏王登妻年二十夫亡孝事舅姑撫育幼子後子卒舅

姑俱逝守節不變郡縣表其門

王氏何炳妻炳卒遺子三讓甫三歲氏誓以死殉親鄰苦

勸勉從之三讓成立娶賈氏年十八生一子可奪三讓

復亡賈堅志與姑共守撫子至成立仕黃縣縣丞建雙

節坊旌表

殷氏趙炯妻年十六適炯炯抱病三載氏奉湯藥如一日

及烟卒遺孤未週撫之成立娶媳生孫子又亡氏復撫
之甘貧守志以歿孫元勳遊郡庠知縣李時俊表其門
曰節可維風

劉氏梁可則妻夫早亡矢志守節萬厯年間建坊旌表

賈氏田九齡妻贈同知賈棲鳳女年二十二夫亡氏觸樞

幾死勺水不入口者六日鄰人以事姑撫幼大義勸之

遂毀容紡績不出門庭雖至親罕見其面後子家祥入

武庠孫夢熊為諸生巡按宋師襄表其門曰貞烈

魏氏柴基妻年十九夫亡生子未週氏荼苦自給上事孀

姑下撫孤子守節五十餘年巡按錢桓表其門曰節凜
冰霜

許氏庠生何講妻年二十夫亡姑患乳癰氏朝夕進藥餌
口吮之數年始愈課子守節四十年卒孫淵深為諸生
趙氏王鎬妻鎬卒家貧甚撫子三槐守節漸致富勤儉不
異貧時知縣王用予表其門曰凌霜節操

高氏張民服妻夫亡守節五十四年遇歲荒幾餓死終不
易志知縣趙思明表其門

王氏陳喜妻夫亡事舅姑撫幼子艱苦備嘗誓不改適至

八十二歲卒知縣曹大章給扁旌之

劉氏于銳妻銳早卒氏欲以身殉姑嫂勸其撫孤以繼血
嗣遂堅志自守教子士美為灤府贊禮鄉閭稱之

郭氏庠生趙一信妻年二十二夫亡家貧無子蓬首垢面
朝夕哭泣終身無笑容茹苦五十年而卒

趙氏劉尚朋妻朋卒遺孤三歲家貧無親值苦雨閉戶僵
臥數日不舉烟火鄰人聞免啼聲怪之排闥入氏已將
絕救甦衆餽食復不受知縣張素裕聞其賢為立貞節
坊月給錢養之仍親詣其門氏終不肯出戶惟俯伏致

謝而已氏守節終身無一日免於饑寒子蕩復不壽茹苦而卒

王氏永年代府長史王三畏女適劉錫子庠生孟池氏年十九孟也暴卒盡焚其衣物以誓必死其母兄曰汝死孀姑無倚將亦死是汝節全而孝虧也氏始勉曰輕身死節易保身守節難吾為其難者因立嗣守之奉姑至孝教子志闕向學早食廩餼年七十餘而卒建坊旌表郝氏盧尚賓妻年十九夫亡氏以死自誓既而勉從翁姑命撫孤克保先業終身不衣帛食肉守節六十餘年巡

按胡繼昇給扁云柏舟雅操

柴氏生員柴拭女張世紀妻年十八夫亡遺子國士甫周歲家業伶仃饔飧不繼親鄰勸以他適氏咬指出血誓與孀姑同守勤紡績以奉菽水課子列庠應貢官訓導孫五人曾孫十一人年九十一而終人咸謂苦節之報毛氏舉人趙貺妻年十四歸貺家貧衣鶉食糲貺卒遺子方二歲氏年二十五守節撫孤操作倍異他日姑病三年不起氏奉湯藥晝夜扶持無一刻離其側者年六十七而卒子胤昌孫鑒俱遊庠

梁氏庠生却近鳳妻年二十一夫亡家甚貧教子瑀廩於
庠享年九十七歲飲食步履無異壯年郡縣給扁旌之
賈氏庠生田承志妻年十六適承志三年而寡無子遺一
女甫周歲氏欲以身殉三日不食貧姑諭曰汝死此女
必不育何面目見汝夫於地下乎氏乃勉食終身不茹
葷晝夜操作冰霜之節歷久彌堅年六十餘卒以無後
且貧未請旌表公論惜之

李氏武秋妻少寡言笑不苟操若冰霜苦節終身知縣任
民望表其門

焦氏田學書妻年二十一夫亡家甚貧翁姑年老遺孤遠
淳甫三歲氏茹苦績紡遭歲荒終日不舉火父母欲奪
其志氏痛哭以死自誓卒能終養翁姑課子遊庠鄉里
咸稱其節孝云

郭氏金世祿妻年二十五夫亡遺孤甫歲餘氏矢志守節
不出閨門持家有道教子國璽遊庠藩府聞其節旌之
李氏田蘊璽妻遇變蘊璽兄弟被殺氏抱女同嫂王氏抱
男潛走王尺創難行令李速逃李曰良人兄弟俱死當
存此子以留田氏後遂棄己女抱其子越城而去得無

姜妯娌孀居事舅姑以孝聞又同邑李氏適曲周郭棠
戊寅之亂舉家逃匿翁姑旋被殺氏攜幼男并夫之七
歲幼弟同走力罷不能俱全或教之捨叔而抱子氏曰
翁姑死矣叔豈能再得吾夫在外或未死子尚可望也
竟棄子抱叔而去明史合載雞澤二李氏

李氏宋鉞妻年十九夫亡遺孤方二歲舅姑欲奪其志百
端挫辱氏斷髮誓不他適年九十餘卒

趙氏王柰妻少寡誓死守節以終

周氏庠生武元祥妻早寡艱貞守志事姑甚孝姑病禱於

神願以身代病遂愈課子肖佳讀書食廩餼復早夭氏
苦節如初巡按周堪賡表其門曰冰霜高節

陳氏生員陳唐女歸張璠一載生子映奎十四日璠卒氏
絕粒八日不死姑泣勸其撫孤乃勉食後嫂逼之改嫁
氏誓不從紡績奉姑育子守節四十餘年知縣表其門
郝女郝崇女年五歲父卒及笄以母無壯子誓不嫁日事
紡織供養並佐其弟姪讀書年至八十面若童顏鄉人
謂之仙姑云

楊氏顧通妻年二十一夫亡家貧無子鄰里有欲奪其節

者氏涕泣三日不食詣夫墓自經死潘府旌表樹碣於墓左

張氏王邦友妻年十九邦友卒氏誓同死嫂嚴防之越二日始嫂以炊即自縊於夫柩側知縣白起旦親為拜奠給棺木葬之巡按連標題表烈節

張氏生員張學曾女進士曾熙績仲子聚樂妻事孀姑以孝謹聞樂凡早卒遺嫂殷氏奉之如姑遇寇變不屈赴死而死

李氏生員李化蛟女通判趙永安子瑄之妻年二十夫亡

無子誓死守志立嗣子肩撫之成立遊庠遇亂城陷投井死

張氏陳明道妻事舅姑至孝盜劫其家以及威之至死不
少屈

趙氏照磨趙國士女舉人康爾祚妻性行端淑言笑不苟
遇城陷抗節死子庠生霖震救母不得皆爭先歿及建
坊旌表

馮氏殷應試妻嫻習閭儀事翁姑以孝妯娌無間言夫死
氏年十九無子女誓不再適偶歸寧值叛兵突至逼令

解襦欲有所索氏大哭拒之兵怒以利刃刺腹斷腸而死死後猶持衣領如拒賊狀旌表

徐氏生員徐三聘女庠生胡復澄妻克修婦道事繼姑以孝聞遇叛兵突至逼之以行氏憤怒不從自刎死

王女王之玉女年十四西山寇發遇賊強之跪女坐地不步屈兵抑其項女以頭觸石而死

王女庠生王璽女許聘永年舉人李芳濯子庠生球奕年十四遭兵亂死節裏衣千紵縫結面色如生李感其義迎奠先塋旌表知縣賈益謙以詩輓之見藝文

本朝

申氏庠生杜爛然妻官族女頗知書歸數載爛然忽棄家
訪道去遺二子長宸丹次宸翼甫數歲家貧自教之識
字及長就傅氏勤紡績以供修脯每默禱於星月下願
出亡人無恙早歸待至十年氏泣謂二子曰海角天涯
何處是耶惟望爾等成名後風過江湖識姓氏萬一歸
來否則夫妻父子無相見之日矣後宸丹領順治甲午
鄉薦而爛然竟不知所終氏守節至八十二歲卒

柴氏陳彤瑞妻年十七夫亡遺孤甫四十日翁姑俱逝無

所依賴父兄勸之改適氏剪髮以誓曰再有言者當以
死對之居平閨範謹嚴持家有道教子奏可成立任山
東高密典史守節至六十三歲卒巡撫徐標給扁曰女
中丈夫巡按衛周胤表其門曰節勁松筠順治八年

題旌

梁氏趙德潤妻年二十一夫亡誓死無他志姑病癱床褥
四十餘年氏朝夕奉侍不少怠姑嘗謂人曰人家有媳
若吾婦則老病床頭亦含笑入地下矣氏治家嚴肅教
子有方夜焚膏紡績伴子讀書寒暑不輟子繡孫俶皆

遊庠人稱為貞孝慈三至年八十餘歲卒督學蔣公超表其門

田氏殷琚妻早寡遺孤甫二歲姑性嚴厲氏善事之苦節終身

李氏董三節妻年二十四夫亡剪髮葬姑采菽撫子屢遭歲荒冰霜不改守節至八十四歲卒雍正九年題旌

杜氏王溫妻年二十一夫亡矢志守節孝事舅姑竭養生送死之禮撫育弟姪恩義兼至享年七十而卒雍正十

三年題旌

王氏進士李皖妻皖負才學未仕早亡氏年二十七家貧
勤紡績以事舅姑撫孤方楠成立遊庠守節五十三年
殷氏趙夢魁妻年二十夫亡氏剪髮斷指以誓紡績孝奉
孀姑恩撫弱叔甘貧守節至六十五歲卒乾隆元年

題旌

田氏侯位妻年二十三夫亡氏敬事舅姑遜順無違舅姑
垂歿家產悉以讓叔姪而氏一無所取意澹如也教子
義方列名庠序守節至六十五歲卒乾隆元年 題旌

田氏賀士諤妻年二十三夫亡勤紡織以孝養孀姑晝夜

奉侍無少懈姑歿殯葬盡禮撫孤成立為諸生守節三

十七年乾隆元年 題旌

胡氏宋秉衡妻年二十夫亡無子勤紡織孝奉舅姑始終
不怠舅姑歿殯葬克盡其禮苦節六十年乾隆二年

題旌

高氏劉太所妻夫亡撫孤存仁成立遊庠娶媳宋氏未幾
存仁卒宋生養死葬克盡孝道子端又早亡媳安氏年
二十一堅志共守或有他適勸者安正色拒之曰吾生
平坐不易席豈肯再事他人耶苦節俱四十年詳請旌

表知縣郎銘扁其門曰三世松操

郭氏何宏仁妻年十九夫亡撫孤守節紡績易米僅足奉
舅姑已則雜糠餅以食又不忍下咽曰留以飼孤兒艱
苦度日歷四十七年無一日飽煖者乾隆三年 題旌

康氏慕三省妻年二十四夫亡奉事舅姑承顏順志舅姑
有疾延醫調治藥必親嘗撫子趨倫邁倫成立俱食廩
餼後皆列貢守節四十年乾隆三年 題旌

楊氏梁怡妻年二十三夫亡氏問寢視膳務承舅姑歡舅
姑有疾氏為憂之食不下咽歿後哭泣盡哀殯葬盡禮

守節五十年 乾隆四年 題旌

高氏康汝輔妻年二十一夫亡家甚貧氏晝夜紡織孝事

舅姑撫子成立娶媳李氏子又亡姑媳同志苦守鄉里

共梅之高至七十二歲 乾隆四年 題旌

李氏張振文妻年二十一夫亡家貧甚氏甘淡薄孝奉孀

姑養生送死盡禮盡哀守節四十二年 乾隆四年 題

旌

閔氏庠生蘇萬尉妻年二十七夫亡氏躬自刻苦勤儉治

家事姑教子孝慈並至守節四十四年子智列邑庠 乾

隆四年 題旌

申氏永年申端愍公曾孫女孟君鑑妻歸二載生子學孔
君鑑卒氏年十七孝事舅姑嚴課孤子成立郡縣給扁
旌之

趙氏庠生齊祖昌妻年二十五夫亡守節孝奉舅姑姑病
臥五年不起氏竭力事之不少怠及歿舅納繼室氏勤
婦職始終不渝教二子述逸皆遊庠乾隆五年 題旌

薛氏侯以爵妻年二十九夫亡氏典簪珥以養舅姑延師
教子列名庠序守節三十九年乾隆六年 題旌

奚澤具
聶氏庠生趙傑妻年二十六夫亡家貧不給氏勤針黹以
奉孀姑教子甚嚴茅屋一燈嘗漏下三鼓猶聞課兒聲
後子大中果入泮守節三十六年乾隆六年 題旌

柴氏安淵妻年二十七夫亡家貧茹苦自守事舅姑以孝
聞性尤慈淑鄰媪有乞米來者家人阻曰今日借人明
日自無米奈何氏曰須知我到明日方無卒借與之嚴
督幼子每夜起紡織必喚俱起讀書聲與擲梭聲相應
焉子果入泮守節四十五年乾隆六年 題旌

郝氏張進財妻年二十二夫亡勤儉持家紡織度日孝事

舅姑生養死葬之禮克盡撫孤成立守節四十三年乾隆七年題旌

田氏張福全妻年二十四而寡氏勤紡績孝事孀姑養生送死各盡其禮撫子光祖成立苦節五十三年乾隆十一年題旌

蘇氏庠生齊青妻年二十九而寡性至孝姑病薦醫藥莫治氏割股作羹以進姑遂愈乾隆十一年題旌

劉氏儒童粟許妻年二十四夫亡勤儉持家躬紡績以殯葬舅姑撫育二子成立皆為婚娶守節五十四年乾隆

十二年 題旌

田氏廉生賈天與妻年二十七夫亡氏欲以身殉舅姑責以撫孤大義乃勉從之毀容見志足不踰閭雖至戚不道聞問事舅姑盡孝教三子振拔擢皆入黌序苦節四十年乾隆十三年 題旌

宋氏田曰賢妻年二十二夫亡撫孤成立娶媳弓氏未幾子復夫姑媳同守勤紡織以度日苦節四十餘年鄉黨稱之乾隆十四年 題旌

安氏劉雲鳳妻年二十一夫亡矢志不渝掉凜冰霜事

其舅以孝聞及舅歿送葬時哭泣之哀聞者墮淚守節
三十一年乾隆十五年 題旌

高氏孺童梁煥妻煥病臥三載氏親侍湯藥不離左右病
卒氏年二十七欲以身殉舅姑勸其撫孤以繼血嗣乃
勉從之勤紡績孝事舅姑撫育幼子守節三十六年乾
隆十七年 題旌

李氏孺童馮自修妻年十八而寡無子立嗣守節氏性仁
淑夫有妹病癡其夫屢欲出之氏百計周全迎歸與居
旋感其夫不致離異戚黨共稱其賢

苦志四十四年乾
隆十八年 題旌

雞澤縣志
岳氏庠生胡秉衡妻年二十八夫亡氏勤紡織貞潔自矢
課子勗讀書遊庠督學錢公給匾旌之曰冰霜勁節

申氏民人秦三妻有無賴杜雪子者悅而調之氏即羞忿
捐軀投井以死身若白圭之難玷深恥淫污心如井水
之難移永留皎潔旌心而北山自矢將斷臂封髮之母
同懷恨而精衛難填與謚愍名貞而並著繩狂且以國
法可慰幽魂表奇節於禮宗堪維風尚乾隆二十五年

題旌

許氏監生劉則舜側室年二十七而寡事孀姑以孝聞持

家以勤儉著守禮法也弗御鉛華撫遺孤也克兼教養
苦雨淒風三十五年如一日初嫡室龔氏以氏年少微
諷之氏以死自誓義正辭嚴卒以苦節自身延夫血食
子作德例入成均乾隆二十五年 題旌知縣王錦林
顏其門曰雪肝冰操

王氏庠生王企元女年十七歸生員郝懋勗子宗孔未二
載而夫卒氏號泣呼天晝夜不絕欲以身殉者屢其父
母及舅姑以大義責曰宗孔歿而二老無依子方襁褓
侍垂白之晨昏延郝氏之血食是即慰死者于九原矣

氏即節哀自勵孝順勤苦及今三十年如一日鄉閭宗

族群無間言